

**Gielddaráđdehus****Áigi** 27.05.2024 dii. 13:00**Báiki** Hybridačoahkkin, gielddadálu váldostivrasále dahje teams-heivehus**Čoahkkináššit**

<b>Ášši</b>	<b>Bajilčála</b>	<b>Siidu</b>
75	Čoahkkima lágalašvuhta ja mearridanváldi	3
76	Beavdegirjedárkkisteaddjiid válljen	4
77	Čoahkkima bargoortnega dohkkeheapmi	5
78	Dili birra oanehaččat	6
79	Gávpenannejeaddji giddodatluohpadanalmmuhusat ja gieldda ovdaoastinvuoigatvuođa geavaheapmi	7
80	Gielddahoavdda ulbmil- ja árvvoštallanságastallan	8
81	Davvi-Suoma hálddahasrievtti cealkámušbivdda (676/2024) buresveadjinhoavdda virgeválggas	9
82	Buresveadjinhoavdda eretcealkin	10
83	Jagi 2023 ruhtadoallooahpaheapmi	11
84	Gieldda ovddasteaddjit jagi 2024 gohččumiin	13
85	Váldostivraálgga, Gielddaráđdeolmmoš Antti Katekeettai potreahtta	14
86	Jagi 2022 ja 2023 váldostivraálgagat	15
87	Plána doarjut eallilan olbmuid Ohcejoga gielddas 2024–2025.	16
88	Ohcejoga skuvllaid áiggeájit 2024-2025	18
89	Ohcejoga eanapolitihkalaš prográmma	20
90	Birassuodjaleami oktasašdoaimmasoahpamuša goluid juohkima nuppástuhttin	21
91	AKKE-ruhtadeami ohcan ráhkadusnuppástusa koordinerenbargui	23
92	Lassemearruhta Hárremahčohka ja Ohcejoga Áilegasduoddara bálgáid huksemii	25
93	Lassemearruhta turismarávvema ovddideapmái	29
94	Asfáltta bidjan	31
95	Ruhtadili birra oanehaččat	33
96	Doaimmaorgánaid mearráduusat	34
97	Áššit diehtun	35

Beavdegirji dollojuvvo albmosis 03.06.2024

Dát čoahkkinbovdehus lea biddjon almmolaš gulahusaid almmuhantávvalii 21.5.2024

Väinö Guttorm  
ságadoalli

## Oassálastit

	Namma	Doaibma	Lassedieđut
Mielde	Guttorm Väinö	Ságadoalli	
	Länsman Vesa	Várreságadoalli	
	Kordelin Marjatta	Lahttu	
	Porsanger Veikko	Lahttu	
	Niittyvuopio-Valle Laura	Lahttu	
	Rasmussen Riikka	Lahttu	
	Tapiola Ilmari	Lahttu	
	Konttinen Pirjo	Várrelahttu	
	Guttorm Urho	Várrelahttu	
	Hekkanen Eemeli	Várrelahttu	
	Manninen Terttu	Várrelahttu	
	Wargh Kirsi-Marja	Várrelahttu	
	Holmberg Aslak	Várrelahttu	
	Ahlakorpi Anni	Várrelahttu	
	Kontio Päivi	Gielddahoavda, áššemeannudeaddji	
	Länsman Marja	Beavdegirjedoalli	

---

75

Čoahkkima lágalašvuohta ja mearridanváldi

Gr

Gávnnavuvvo, ahte čoahkkín lea lágalaččat čoahkkái bovdjuvvon ja mearridanválddáš.

**Mearrádus:**

---

76

Beavdegirjedárkkisteaddjiid válljen

Gr

Válljet čoahkkimii guokte beavdegirjedárkkisteaddji.

**Mearrádus:**

---

77

Čoahkkima bargoortnega dohkkeheapmi

Gr

**Evttohus:**

Gielddaráđdehus dohkkeha áššiid gieđahallanortnega čoahkkima áššelisttu mielde.

**Mearrádus:**

78

Dili birra oanehaččat

Gr

Gielddahoavda muitala áigeguovdilis áššiid birra oanehaččat.

**Evttohus:**

Merkejuvvojit diehtun.

**Mearrádus:**

79

Gávpenannejeaddji giddodatluohpadanalmmuhusat ja gieldda ovdaoastinvuoigatvuoda geavaheapmi

Gr

Gildii leat bohtán 5 st gávpenannejeaddji giddodatluohpadanalmmuhusa, listu giddodatluohpadanalmmuhusain lea lassemateriálan. Giddodatluohpadanalmmuhusat leat buohkanassii oaidnin láhkai čoahkkimis.

Ovdaoastinlága mielde ovdaoastinvuoigatvuoda geavahettiin mearrádussii ožžot oasti ja vuovdi ohcat nuppástusa ja váidit hálddahusriektái.

Gieldda mearrádussii leat geavatkeahtá ovdaoastinvuoigatvuoda ii oaččo ohcat nuppástusa váidimiin.

**Evttohus:**

Gielddaráđdehus merke diehtun gávpenannejeaddjiid giddodatluohpadanalmmuhusaid ja mearrida, ahte gielda ii geavat ovdaoastinvuoigatvuoda báikkiide, mat gullet gávpái.

**Mearrádus:**

---

80

Gielddahoavdda ulbmil- ja árvvoštallanságastallan

89/00.01.01/2023

Gr

Gielddahoavdda barggu ulbmilat meroštallojit jahkásaččat váldostivrra ságadoalli ja gielddahoavdda gaskasaš ovddidanságastallamis ja gielddaráđdehusa ulbmil- ja árvvoštallanságastallamis. Hoavdasoahpamušas lea meroštallon, ahte dát ságastallan čađahuvvo jahkásaččat manjimustá guovvamánu loahpas.

Dasgo Päivi Kontio lea álggahan gielddahoavdda doaimmas easkka ođđajagimánu loahpas, de lea lunddolaš, ahte hoavdasoahpamušas spiehkaseaddji vugiin ulbmil- ja árvvoštallanságastallan čađahuvvo dál miessemánus.

Ovddidanságastallamis árvvoštallo, mo gielddahoavda lea barggustis lihkostuvvan ja čuvvon hoavdasoahpamuša ja gieldda boahteáiggevuordámušaid. Ovddidanságastallamiin čállojuvvo luhtolaš referáhtta, mii ovdanbuktojuvvo gielddaráđdehusa lahtuide diehtun. Ovddidanságastallan lea čađahuvvon 16.5.2024. Čoahkkáibovdejeaddjin lea leamašan gielddaráđdehusa ságadoalli.

**Gielddaráđdehusa ságadoalli evttohus:**

Gielddaráđdehus čađaha gielddahoavddain ulbmil- ja árvvoštallanságastallama dán jagi ulbmiliid birra ja das, mo bargguid čađaheapmi lea lihkostuvvan.

**Mearrádus:**



Gielddaráđdehus

27.05.2024

---

81

Davvi-Suoma hálddahusrievtti cealkámušbivdda (676/2024) buresveadjinhoavdda virgeválggas

73/01.01.01/2023

Gr

Davvi-Suoma hálddahusriekti lea bivdán cealkámuša Hannele Heinosa gielddaváidagis dnro 676/2024 Ohcejoga gieldda buresveadjinhoavdda virgeválgga guoskevaš áššis. Gielddaváidagis Hannele Heinonen gáibida, ahte Ohcejoga gielddaráđdehusa 27.3.2024 § 4 virgeválgamearrádus gomihuvvo lágavuostásažžan.

**Evttohus:**

Gielddaráđdehus čállá cealkámuša áššis 676/2024 buresveadjinhoavdda virgeválgga ja doaimmaha dan ovddos guvlui Davvi-Suoma hálddahusriektái 31.5.2024.

**Mearrádus:**

Juohkin

Guovddášhálddahus

---

82

Buresveadjin的角度 eretcealkin

1/01.01.00/2023

Gr

Gielddahoavda Päivi Kontio lea virgefriijas buresveadjin的角度 virggis 23.1.-22.7.2024. Son lea 13.5.2024 almmuhan, ahte cealká iežas eret buresveadjin的角度 virggis 23.7.2024 rájes ja joatká Ohcejoga gielddahoavdan.

**Gielddaráđdehusa ságadoalli evttohus:**

Gielddaráđdehus evttoha váldostivrii, ahte váldostivra miediha Päivi Kontioi earu buresveadjin的角度 virggis 23.7.2024 rájes.

**Mearráduš:**

Juohkin

Váldostivra

---

Gielddaráđdehus

§ 59

22.04.2024

Gielddaráđdehus

27.05.2024

---

83

Jagi 2023 ruhtadoalloloahpaheapmi

64/02.02.01/2023

Gr 22.04.2024 § 59

Jagi 2023 ruhtadoalloloahpaheapmi lei 859 520,18 euro badjebázalaš. Jagi 2023 árvvoštallon badjebáza lei 35 314,52 euro álgoálgosaš bušeahttaárvalusa mielde.

Doaibmagolut ledje 9 294 232,13 euro, dat ollašuvve ekonomiijaplána ektui 97,31 %. Doaibmaboadut ledje 4 192 222,55 euro, ekonomiijaplána ektui ollašuvvan lei 100,37 %. Doaibmagokču lei oktiibuot -5 102 009,58 euro.

Jagi 2023 váldui investeremiidda ođđa guhkesáigge loatna 250 000 euro, guhkesáigge loatna goariduvvui jagi áigge 983 502,10 euro. Gieldda loanat jagi 2023 loahpas ledje 10 836 056,08 euro.

Jagi 2023 investeremiid nettogolut ledje 187 500,41 euro.

**Evttohus:**

Gielddaráđdehus dohkkeha jagi 2023 ruhtadoalloloahpaheami (čuovusin) ja vuolláičállá dan. Ruhtadoallobaji vuollebáza girjejuvvo ovddit ruhtadoallobajiid badjel-/vuollebáhčagiid konttuide. Gielddaráđdehus evttoha ruhtadoalloloahpaheami ain dárkkistanlávdegoddái ja váldostivrii dohkkehan láchkai.

Gielddaráđdehus fápmuda doaimmahatčáli divvut ruhtadoalloloahpaheami teknikkalaččat ruhtadoallodárkkisteami oktavuodas ovdal váldostivrra gieđahallama.

**Mearrádus:**

Evttohus dohkkehuvvui.

Gr

BDO Oy ruhtadoallodárkkisteaddjit leat jagi 2023 ruhtadoalloloahpaheami oktavuodas gávnahan, ahte ruhtadoalloloahpaheami gieđahallan lea váilevaš, dasgo dan guoskevaš kapihttalas eai leat máinnašuvvon bohtosis bohtán ruhtadoalloloahpaheami sirdimat. Doaibmačilgehussii leat maid dárkkisteami oktavuodas dahkkon soames teknikkalaš dahje teknikkalašlágan divvumat ja dievasmahttimat. Dán dihte ruhtadoalloloahpaheami galgá gieđahallat gielddaráđdehusas ođđasis.

---

Gielddaráđdehus

§ 59

22.04.2024

Gielddaráđdehus

27.05.2024

---

**Evttohus:**

Gielddaráđdehus dohkkeha jagi 2023 ruhtadoalloloahpaheami (čuovusin) ja vuolláičállá dan. Ruhtadoallobaji vuollebáza girjejuvvo ovddit ruhtadoallobajiid badjel-/vuollebáhčagiid konttuide. Gielddaráđdehus evttoha ruhtadoalloloahpaheami ain dárkkistanlávdegoddái ja váldostivrii dohkkehan láhkai.

Gielddaráđdehus fápmuda doaimmahatčáli dahkat ruhtadoalloloahpaheapmái teknikkalaš dahje teknikkalašlágan divvumiid ovdal váldostivrra gieđahallama.

**Mearrádus:**

Čuvvosat

Čuovus Ohcejoga gieldda ruhtadoalloloahpaheapmi 2023  
1

Juohkin

Dárkkistanlávdegoddi  
Váldostivra

84

Gieldda ovddasteaddjit jagi 2024 gohččumiin

92/00.04.00/2017

Gr

Jeagárbrigáda Lappi guovlodoaimmahat bivdá gieldda nammadit ovddasteaddji ja várreovddasteaddji gohččunlávdegoddái. Gohččumat dollojit Ohcejogas 20.8.2024 dii. 12.00 rájes.

**Evttohus:**

Gielddaráđdehus nammada gieldda ovddasteaddjin gohččunlávdegoddái buresveadjinhoavdda ja várreovddasteaddjin gielddahoavda Päivi Kontio.

Lassin gielddaráđdehus nammada olbmo cealkit dearvvuođaid gohččumiidda gullevaččaide.

**Mearrádus:**

Juohkin

Nammaduvvon olbmot

---

85

Váldostivraálgga, Giieldaráđdeolmmoš Antti Katekeetta potreahta

68/00.01.02/2018

Gr

Váldostivrra čoahkkimis 14.12.2023 ságadoallái luobahuvvui áirasa vuolláičállin váldostivraálgga. Váldostivraálgga lea čoahkkimis oaidnin láhkai.

Vuolláičállit evttohit, ahte giieldaráđdeolmmoš Antti Katekeetta muittu gudnin álggahuvvo fidnu fidnet su potreahta váldostivrasále seaidnái.

**Evttohus:**

Árvonamat adnojit dábálaččat almmolaš dovddastussan riikkavuložii su barggus suomelaš oktasašgotti buorrin. lešguđegelágan árvonamat leat mángalogi. Vai dásseárvu ja ovtaveardásaš doaimma sáhtta sihkkarastit, de gielda várre bušeahttaárvalussii 1000 €/ jahki vejolaš potreahtaid oasseruhtadeami várás, goittotge nu, ahte ovtta potreahta nammii várrejuvvo eanemustá 500 €.

Potreahta eanemusmihtut leat 50 cm x 60 cm, go váldit vuhtii váldostivrasále nohkkišaš seaidnesaji. Gielda ii čatnas potreahta háhkanprosessii, muhto potreahta háhkan lea ollásit potreahta organiserejeaddji ovddasvástádus. Gielda oassálastá dušše dakkár olbmuid potreahta oassegoluide, geat leat leamašan dahje geat leat gieldda bargit dahje luohttámušdoaimmas ovdalis namuhuvvon eavttuid mielde.

**Mearrádus:**

86

Jagi 2022 ja 2023 váldostivraálgagat

68/00.01.02/2018

Gr

Hálddahunjuolggadusa 119 § mielde gielddaráđdehus galgá juohke jagi njukčamánu loahpas ovdanbuktit váldostivrii logahallama áirasiid čállin ja gielddaráđdehussii sáddejuvvon álgagiin, maid váldostivra ii manimustá ovddit jagi loahpas geargan gieđahallat loahpalaččat. Seammás galgá almmuhit, maidda doaimmaide álgagiid dihte leat álgán gielddas. Váldostivra sáhtta gávnnaht, mat álgagiin leat gieđahallon lohppii.

Váldostivraálgagat leat dahkkon jagi 2022-2023 3 st:

-Girkosiidda siskkáldas mohtorgielkájoholat 7.4.2022; EJB-guovddáža ja Geaidnodoaimmahaga (Väylävirasto) vástadusat gielddahoavda Taina Pieski jearahallamii leat juhkkon diehtun áirasiidda 22.6.2022.

-Pride-levgemii oassálastin 21.6.2023; gielddaráđdehusa gieđahallan 9.8.2023 § 127.

-Gielddaráđdeolmmoš Antti Katekeetta potreahtta 14.12.2023; gielddaráđdehusa gieđahallan 27.5.2024 § 85.

**Evttohus:**

Gielddaráđdehus ovdanbukta váldostivrii logahallama váldostivraálgagiin.

**Mearrádus:**

Juohkin

Váldostivra

---

Čuvgehuslávdegoddi  
Gielddaráđđehus

§ 53

14.05.2024  
27.05.2024

---

87

Plána doarjut eallilan olbmuid Ohcejoga gielddas 2024–2025.

84/00.01/2023

Čuvgldg 14.05.2024 § 53

Duogáš:

Ohcejoga gielddas lea maŋimuš háve gárvvistuvvon plána doarjut eallilan olbmuid doaimmaid 2014–2016. Dán maŋná plána ii leat beaivduvvon čálalaš hápmái.

Plána lea láhkageatnegahtton ja sode-ođastusa maŋná dili galgá geahčadit ođđasit. Seammás galgá váldit vuhtii, ahte sosiála- ja dearvasvuodabálvalusaid buvttadeapmi lea sirdašuvvan 1.1.2023 Lappi buresveadjinguovllu ovddasvástádussan.

Gielddas ollašuhttui jearahallan eallilan olbmuide juovla-ođđajagimánus 2023–2024. Jearahallama bohtosat gieđahallojedje doaibmaváttojiid- ja boarrásiidráđi čoahkkimis. Jearahallama bohtosiid vuodul beaividuvvui Plána doarjut eallilan olbmuid Ohcejoga gielddas 2024–2025.

Plána doarjut eallilan olbmuid lea siidomateriálan.

Ášši válmmaštalai gielddahoavda Päivi Kontio.

**Evttohus:**

Čuvgehuslávdegoddi dohkkeha Plána doarjut eallilan olbmuid Ohcejoga gielddas ja evttoha dan ain gielddaráđđehussii ja váldostivrii dohkkehan láhkai.

**Mearrádus:**

Mearrádus evttohusa mielde.

Gr

**Evttohus:**

Čuvgehuslávdegoddi dohkkeha Plána doarjut eallilan olbmuid Ohcejoga gielddas ja evttoha dan ain gielddaráđđehussii ja váldostivrii dohkkehan láhkai.

**Mearrádus:**

---



Čuvgehuslávdegoddi  
Gielddaráđdehus

§ 53

14.05.2024

27.05.2024

---

Čuvvosat

Čuovus  
2

Plána doarjut eallilan olbmuid Ohcejoga gielddas 2024–  
2025

Juohkin

Váldostivra

---

Čuvgehuslávdegoddi  
Gielddaráđdehus

§ 60

14.05.2024  
27.05.2024

---

88

Ohcejoga skuvllaid áiggeájit 2024-2025

85/12.01.09/2023

Čuvgldg 14.05.2024 § 60

Asttuáiggedoaimma lea ožžon Lappi EJB:s Áiggeáji Suoma málle veahkkeruđa 25 500 euro mánáide oaivvilduvvon áiggeáje- ja riekkesdoaimma ordnema várás skuvlabeivviid oktavuhtii lohkanjahká 2024-2025.

Veahkkeruhta gokčá proševtta goluin eanemustá 70 % ja gieldda iežasruhtadeapmi galgá leat unnimustá 30 %, nappo 10 928,57 euro.

Proševttain leat jurddašan ordnet čuovvovaš riekkesdoaimmaid:

Gáregasnjárga: Seaidnegoargnun/piáno čuojaheapmi, dásun 3 joavkku, báhčin/valáštallan ja korespáppa speallan.

Njuorggán: Vuojadeapmi ja akrobatiija.

Ohcejohka: Piáno čuojaheapmi, vuojadeapmi, tehnikkalaš huksen/matematihkka ja mánggalágan valáštallama joavku,

Proševtta golloárvvoštallan lea 36 428,57 euro, gieldda iežasruhtadeapmi lea 10 928,57 euro.

	Jahki 2024	Jahki 2025	Oktiibuot
Boađut	8 925	16 575	25 500
Manut	12 750	23 678,57	36 428,57
Netto	3 825	7 103,57	10 928,57

Ášši válmmaštallan asttuáiggečállin Kaisa Tapiola-Länsman

### Evttohus:

Čuvgehuslávdegoddi evttoha gielddaráđdehussii ja ain váldostivrii:

1. lassemearreruđa juolludeami Ohcejoga skuvllaid áiggeájit 2024-2025- prošektii válmmaštallama mielde jahká 2024,

2. mieđihit prošektii álggahanlobi ja prošektii vuodđuduvvo gollobáiki,

3. asttuáiggečállin beali mánotbaji bálkágoluid sirdima prošektii jahká 2024 asttuáiggedoaimma geavahanváriin, dáinna gokčojuvvo oassi jagi 2024 gieldda iežasruhtadeamis.

---

Čuvgehuslávdegoddi  
Gielddaráđdehus

§ 60

14.05.2024

27.05.2024

---

4. jagi 2025 dáfus prošeakta váldojuvvo vuhtii bušeahttaárvalusa gárvvisteamis. Asttuáiggečálli beali mánotbaji bálkágolut váldojuvvojit vuhtii bušeahta čállimis seamma láhkai go jagi 2024.

**Mearrádus:**

Mearrádus evttohusa mielde.

Gr

**Evttohus:**

Gielddaráđdehus dohkkeha ja evttoha ain váldostivrii dohkkehan láhkai lassemearreruđa jahkái 2024 Ohcejoga skuvllaid áiggeájit 2024-2025 -prošektii manut 12 750 €, boadut 8 925 €, netto 3 825 €. Gieldda iežasruhtadeapmi gokčojuvvo asttuáiggedoaimma geavahanekonomiijas. Jagi 2025 dáfus prošeakta váldojuvvo vuhtii bušeahttaárvalusa gárvvisteamis.

**Mearrádus:**

Juohkin

Váldostivra

---

Eallinfápmo- ja teknikalaš  
lávdegoddi  
Gielddaráđdehus

§ 37

02.05.2024

27.05.2024

---

89

Ohcejoga eanapolitihkalaš prográmma

32/10.00.00/2020

Ealtekig § 37

Vd. giddodathoavda Markku Porsanger ovdanbuktá Ohcejoga gieldatastrategiijai vuođđuvvi eanapolitihkalaš prográmma, mas meroštallojit Ohcejoga gieldda eanapolitihka doaibmanvuogit ulbmiljagi 2035 rádjai.

**Teknikkalaš doaimma hoavdda evttohus:**

Lávdegoddi dohkkeha evttohuuvvon eanapolitihkalaš prográmma ja evttoha dan ain gielddaráđdehussii dohkkehan láhkai.

**Mearrádus:**

Teknikkalaš doaimma hoavdda evttohus dohkkehuvvui.

Gr

**Evttohus:**

Gielddaráđdehus dohkkeha eanapolitihkalaš prográmma ja evttoha dan ain váldostivrii dohkkehan láhkai.

**Mearrádus:**

Čuvvosat

Čuovus Ohcejoga eanapolitihkalaš prográmma  
3

Juohkin

Váldostivra

---

Eallinfápmo- ja teknikkalaš  
lávdegoddi  
Gielddaráđdehus

§ 35

02.05.2024

27.05.2024

---

90

Birassuodjaleami oktasašdoaimmasoahpamuša goluid juohkima nuppástuhttin

30/00.04.02/2020

Ealtekig § 35

Birassuodjaleami oktasašdoaimmaguvlui (Árktalaš Lappi birassuodjaleapmi) gullet Eanodaga, Anára, Muoná, Soađegili ja Ohcejoga gielddat. Birassuodjaleami oktasašdoaimmaguvllu soahpamušas lea čuoggás 7 Ekonomijja (Gielddaid máksinoasit ja daid rehketčállin) sohppojuvvon čuovvovaš: "Gielddaid máksinoasit mearrašuvvet álggos gielddaid ássiidlogu mielde. Máksinoasit vuodđuduvvet bušeahttaárvalussii ja dat berrojuvvojit gielddain jahkásaččat eanemustá 4 oasis. Go ovddit jagi rehketdoallu gárvána, de gielddaid máksinoasit dárkkistuvvojit sierra dássenrehkegiin dakkárin, ahte dat čuvvot ollašuvvama. Máksinosiid vuodustusat dárkkistuvvojit guovtti jagi gaskkaid."

Máksinosiid ja goluid juohkašuvvan lea dárkkistuvvon manimuš 2023 čakčat, go jagi 2024 bušeahttaárvalus gárvvistuvvui. Ášši lea ovdanbuktojuvvon gielddaid njunuš virgehálldašeaddjiid ráđđádallamis 4.10.2023. Dasa lassin vejolaš ođđa goluid juohkinvuodustus lea váldojuvvon vuhtii bušeahttaárvalusas ja dan mearrádusdahkanteavsttas. Doaimmaguvllu gielddat leat dohkkehan bušeahttaárvalusa.

Oktasašdoaimmasoahpamuša mielde golut leat juohkašuvvan álggus ássiidlohkui vuodđuduvvi proseantalogu mielde. Golut leat juhkkujuvvon soahpamuša mielde gielddaid oktiirehkenaston ássiidlogu proseantaosiid vuodul, dasgo dárkilis diehtu guđege gieldda resursadárbbuin dahje birassuodjalanbáikkiin, maid gielddat galget bearráigeahččat, ii leat vel leamašan. Goluid juohkinvuodustusat dárkkistuvvojit soahpamuša mielde guovtti jagi gaskkaid. Doaimma vuolggasadjin lea leamašan, ahte boahttevuodas beasašeimmet dakkár dillái, ahte guđege gielda máksá goluid dagahanvuodustusa mielde. Goluid juohkašuvvama (birassuodjaleami gollobáiki 5250, lohpe- ja bearráigeahččanbarggut), evttohit nuppástuhttit dakkárin, ahte dat juohkašuvvet dagahanvuodustusa mielde jagi 2024 rájes.

### **Teknikkalaš doaimma hoavdda evttohus:**

Eallinfápmo- ja teknikkalaš lávdegoddi dohkkeha, ahte oktasašdoaimmasoahpamuša goluid juohkašuvvan nuppástuhtto 1.1.2024 rájes álgoálgosaš goluid juohkinvuodustusas, mas golut vuodđuduvve ássiidlohkui, dagahanvuodustussii. Dát mearkkaša, ahte golut juohkašuvvet bearráigeahččanbáikkiid lohkui Soađegili gieldda tekn. lg 16§ / 14.2.2024 čilgehusas

---

Eallinfápmo- ja teknikalaš  
lávdegoddi  
Gielddaráđdehus

§ 35

02.05.2024

27.05.2024

---

ovdanbuktojuvvon vugiin. Lávdegoddi evttoha dán ain  
gielddaráđdehussii ja váldostivrii dohkkehan láhkai.

**Mearrádus:**

Teknikalaš doaimma hoavdda evttohus dohkkehuvvui.

Gr

**Evttohus:**

Gielddaráđdehus dohkkeha ja evttoha ain váldostivrii dohkkehan  
láhkai, ahte oktasašdoaimmasoahpamuša goluid juohkin  
nuppástuhtto 1.1.2024 rájes álgoálgosaš goluid juohkinvuodustusas,  
mas golut vuodđuduvve ássiidlohkui, dagahanvuodustussii. Dát  
mearkaša, ahte golut juohkašuvvet bearráigeahččanbáikkiid lohkui  
Soađegili gieldda teknikalaš lávdegotti 14.2.2024 evttohusa mielde.

**Mearrádus:**

Juohkin

Váldostivra

---

Eallinfápmo- ja teknikkalaš  
lávdegoddi  
Gielddaráđdehus

§ 39

02.05.2024

27.05.2024

---

91

AKKE-ruhtadeami ohcan ráhkadusnuppástusa koordinerenbargui

81/00.01.05/2021

Ealtekig § 39

Ohcejohka lea leamašan fáhkkes ráhkadusnuppástusa (ÄRM) gielda jagi 2021 rájes. Gielda lea čatnasan doaimmaide, maiguin ealáhusaid ráhkadusnuppástusa sáhtá čađahit, ja Ohcejogas lea fas nana ealáhusráhkadus. Nana ealáhusráhkadus lea buori gielldaekonomiija vuođu. Ráhkadusnuppástusa čađaheapmi gáibida gieldda doaimmain gillilvuoda, analyhtalašvuoda ja mearrediđolašvuoda.

Vuosttas muttus fáhkkes ráhkadusnuppástusa maŋŋá gielda galggai identifiseret dálá dili ja doaibmavejolašvuodaide uhcimulgáibádusaid. Dehálaš lei maid identifiseret fitnodagaid ovddidandárbbuid. Dát leat ollašutton ÄRM vuosttas muttu proševttaid doarjagiin.

Ohcejoga ráhkadusnuppástusa koordinerenproševttas, mii nogai juovlamánus 2023, gárvvistuvvui ráhkadusnuppástusa doaibmaplána. Das leat earuhuvvon vihtta váldosuorggi, maid gielda berre ovddidit čuovvovaš sullii 10 jagi áigge. Váldosuorggit leat olahatuvuohta, geasuhan- ja bisuhanfápmu, turismaealáhus, guollebivdoealáhus ja geinnodatovdáneapmi. Buot váldosuorggit gáibidit gillilis ja mearrediđolaš ovddidanbarggu, ja dán barggus váldoovddasvástádus lea gieldda eallinfápmo- doaibmasuorggis, man fásta resurssat leat hui uhcán.

EJB-guovddáš, man bargun lea doarjut ÄRM-statusa gielddaid, ozai oktasašbarggu mielde Bargo- ja ealáhusministeriijas Ohcejohkii 100 000 e ruhtadeami ráhkadusnuppástusa koordinerema várás. Dán ruđa sáhtá ohcat Lappi lihtus AKKE-ruhtadeapmin 20 proseantta iešruhtadanprošeaktan. Lappi lihttu bearrá 4 % ohccojuvvon bušehtas AKKE-ruhtadeami hálddahušgoluid.

Proševtta guovddáš mihttomearrin lea doarjut Ohcejoga beaivduvvon fáhkkes ráhkadusnuppástusa doaibmaplána ollašuttima, ovddidit doaibmasurggiid ja iešguđege čanusjoavkkuid ja fitnodatdoalliid gaskasaš oktasašbarggu, ovddidit Ohcejoga viessodili, mas figgamuššan lea álkidahttit bargiid ásaiduvvama guvlui, lasihit Ohcejoga dovddusvuoda turismaguovlun ja ássama, fidnošeamii ja bargama báikegoddin ja lassin buoridit Ohcejoga gieldda bargoaddimiellagova.

Proševttas ovddidit gieldamárkanastima, man Ohcejohka ii leat mearkkašahtti mearis dahkan ovdal. Proševttas piloterejuvvojit ja geahččaluvojit beaktilis gieldamárkanastima vuogit. Lassin das

---

Eallinfápmo- ja teknikalaš  
lávdegoddi  
Gielddaráđdehus

§ 39

02.05.2024

27.05.2024

heivehuvvojit oktii gieldamárkanastima ja Turismma Master Plan meroštallan Ohcejoga turismma bránda.

Prošeaktaáigi lea 1.9.2024.-30.11.2025. Prošeavtta bušeahtha lea 116 000 e ja dan iežasruhtadeapmi lea 20 000 e. Prošektii bálkáhuvvo prošeaktahoavda. Prošeaktaohcamuš guđđojuvvo Lappi lihttui cuoŋománu 2024 áigge.

### Eallinfápmohoavdda evttohus:

1. Eallinfápmo- ja teknikalaš lávdegoddi mearrida, ahte Ohcejoga gielda čatnasa iežasruhtademiin 20 000 e AKKE-ruhtaduvvon ráhkadusnuppástusa koordinerenprošektii.
2. Eallinfápmo- ja teknikalaš lávdegoddi evttoha gielddaráđdehussii ja ain váldostivrii, ahte prošektii juolluduvvo lassemearreruhta jahkái 2024 boađut 25 600 e, manut 30 933 e, netto 5333 e. Prošektii vuodđuduvvojit iežaset gollobáikkit goluide ja flat ratei. Jagi 2025 bušeahtha váldojuvvo vuhtii bušeahhtaárvalusa válmmaštallamis.
3. Eallinfápmo- ja teknikalaš lávdegoddi fápmuda eallinfápmohoavdda rekruteret prošektii prošeaktahoavdda.

### Mearrádus:

Eallinfápmohoavdda evttohus dohkkehuvvui.

Gr

### Evttohus:

Gielddaráđdehus dohkkeha ja evttoha ain váldostivrii dohkkehan láhkai lassemearreruđa juolludeami jahkái 2024 eallinfámu doaibmasuorggi vuollásaš AKKE-prošektii manut 30 933 €, boađut 25 600 €, netto 5 333 €. Jagi 2025 dáfus prošeakta váldojuvvo vuhtii bušeahtha čállimis.

### Mearrádus:

Juohkin

Váldostivra



Eallinfápmo- ja teknikkalaš lávdegoddi	§ 76	27.09.2023
Eallinfápmo- ja teknikkalaš lávdegoddi	§ 41	02.05.2024
Gielddaráđđehus		27.05.2024

---

92

Lassemearruhta Hárremahčohka ja Ohcejoga Áilegas-duoddara bálgáid huksemii

49/00.01.05/2023

Ealteklg § 76

Ohcejoga giliin lea viehka unna lagasvánddardanfierpmádagat jos veardida eará turismaguovddážiidda. Tenojokilaakson maisemareitit vastuullisen matkailun vetovoimaksi (Deanuleagi oainnusgeinnodagat vásttolaš turismma geasuhanfápmun) - investerenprošeavttas huksejuvvojit lagasgeinnodagat Njuorggámii ja Ohcejoga girkosiidii oasálašvuoda ovddideaddji doaimmaid vuodul čohkkejuvvon plána mielde.

Lagasgeinnodagat bálvalit lassáneaddji álbmogiidgaskasaš turismma dárbbuid, ja dat doibmet maid báikkálaš olbmuid lagaslihkan - ja virkkosmahttinbáikin. Lagasgeinnodagaid huksen buorida Ohcejoga gili turismma geasuhanfámu ja guovllu fitnodatdoalliid vejolašvuoda ovddidit buktagiid vánddardanbálvalusaid ođđa áššehasjoavkkuid várás, erenoamážit álbmogiidgaskasaš áššehasaid gáibádusaid deavdimas ovdii. Lagasgeinnodagat leat dehálaččat maid turisttaide, geat beroštit ruovttueatnama olgolihkadeamis. Merkejuvvon lagasgeinnodagat suddjejit davi hearckes luonddu, go galledeaddjit johtet dađe várás huksejuvvon geinnodagaid mielde. Turistaáššehasat ádjánit guhkit áigge giliin, go giliide oažžut lasi dahkamuša ja geasuhanfámu.

Dán prošeavtta doaimmat leat plánejuvvon ovttas Ohcejoga turismafitnodagaiguin, bálgosiiguin, Ohcejoga gieldda ja Meahciráđđehusa ovddasteaddjiiguin ng. jorba beavddi dilálašvuodain dálvit 2022-2023. Juksanáigumušat vuodduvvet Ohcejoga turismma ovddidanprográmmii ja eanageavahanplánii (Ohcejoga gielda, 2020), Ohcejoga gieldda strategijai, Meahciráđđehusa strategijai, Lapland North Destinations - matkailuorganisaatio ja Sámeiguovllu luondduriggodatplánii. Prošeavtta válmmaštallamis lea sihkkaraston, ahte čanusjoavkkut dohkkehit dan, dasgo sierra oassebeliid gaskkas leat dahkkon buot prošeavtta čuožahagaid ovdii dárbbášlaš gulaskuddamat ja meahccegeahčadeamit.

Prošeavtta boadusin gárvvásmuvvet lagasgeinnodagat Njuorggáma Hárremahčohka-várrái, Ohcejoga Áilegas-duoddarii ja Ohcejoga Elleguolbanii. Elleguolbanii oassin lagasvánddardangeinnodaga oažžut maid EU davimus searastallanráhpaid.

Eallinfápmo- ja teknikalaš lávdegoddi	§ 76	27.09.2023
Eallinfápmo- ja teknikalaš lávdegoddi	§ 41	02.05.2024
Gielddaráđdehus		27.05.2024

---

Meahciráđdehusa bargu eanaeaiggádin lea dahkat turismafitnodagaide vejolašvuođaid fitnodatdoaimmii stáhta eatnamiin. Vai prošeaktaohcan ja prošeavtta ollašuttin livčče vejolaččat, de Ohcejoga gielda ohcá Meahciráđdehusas geinnodagaide geavahanvuoigatvuođa.

Geavahanvuoigatvuođasoahpamuš ráhkaduvvo 10 jahkái. Ráhkadusat, mat huksejuvvojit geinnodagaide, leat Ohcejoga gieldda oamastusas. Geinnodagaid bajásdoalu vástida Meahciráđdehus, ja bajásdoalus dahkat soahpamuša Meahciráđdehusain.

Prošektii ohcat ruhtadeami Lapin liitto JTF-foanddas, čuovvovaš ohcamušaid gieđahallanbeaivi lea 30.9.2023. Prošeavtta árvvoštallon obbabušeahhta lea 199 000 euro. Prošeaktadoarjja, maid fidnet JTF-foanddas, lea 70 %. Meahciráđdehus lea čatnasan oassálastit prošektii 30 000 euroin. Gieldda máksinoassi lea eanemustá 29 700 euro.

#### **Evttohus:**

1. Eallinfápmolávdegoddi čatnasa ohcat gieldda hálddašan Tenojokilaakson maisemareitit vastuullisen matkailun vetovoimaksi - nammasaš investerenprošeavtta Lappi lihtus JTF-ruhtadeami bokte, ja čatnasa máksit gieldda iežasruhtadeami eanemustá 29 700 euro.

2. Lávdegoddi addá vuoigatvuođa eallinfápmohovdii, ahte son ráhkada ja vuolláičállá prošeaktasoahpamušaid geinnodagaid eanageavaheamis ja bajásdoalus Meahciráđdehusain, ja ráhkada ja vuolláičállá čatnašumi Meahciráđdehusa máksinoasis.

#### **Mearrádus:**

Terttu Manninen evttohii prošeavtta nuppástuhttima, nu ahte Ohcejoga lagasvirkkosmahttingeinnodagat guđđojit prošeavttas eret ja daid sadjái ohccojuvvojit geinnodagat Gáregasnjárggas.

Terttu Mannisa evttohus ii guottihuvvon.

Evttohus dohkkehuvvui.

#### **Ealteklg § 41**

Eallinfápmo- ja teknikalaš lávdegoddi gieđahalai čoahkkimis 27.9.2023 § 76 Tenojokilaakson maisemareitit vastuullisen matkailun vetovoimaksi (Deanuleagi oainnusgeinnodagat vásttolaš turisma geasuhanfápmun) -investerenprošeavtta ohcama jagiide 2024-2025.

Eallinfápmo- ja teknikkalaš lávdegoddi	§ 76	27.09.2023
Eallinfápmo- ja teknikkalaš lávdegoddi	§ 41	02.05.2024
Gielddaráđdehus		27.05.2024

---

Prošeavttas ulbmilin lei hukset golbma bálgá: Njuorggáma Hárremahčohka ja Ohcejoga Áilegas-duoddara bálggis ja Ohcejoga Elleguolbana bálggis, nu ahte dohko huksejuvvojit searastallanráhpat. Prošeavtta divrasamos oassi livččii lean Elleguolbba, masa gullet searastallanráhpat. Prošeakta ii ožžon ruhtadeami dán ohcanmuttus. Gielda lei gieđahallan eará čanusjoavkkuiguin dáid máinnašuvvon bálggesáššiid Jorba beavddi ságastallamiin ja bálgáid huksemii leat skáhppojuvvon doarju cealkámušat bálgosiin ja maid dárbbášlaš soahpamušat Meahciráđdehusas, man hálddašan eatnamiidda bálgát boadášedje.

Gielddas lea čielga plána ráhkadusnuppástusa fitnašuvvamii ja eallinfámu lasiheapmái. Turismma ollislaš ovddideapmi lea ráhkadusnuppástusa guovddášáššiin ja geinnodagaid ovddideapmi lea okta deattuhusain viđa ráhkadusnuppástusa joavkkus. Váldosuorggit leat olahahttivuohta, geasuhan- ja bisuhanfápmu, turismaealáhus, guollebivdoealáhus ja geinnodatovdáneapmi.

Lea dehálaš, ahte plánejuvvon ovddidandoaimmat ovdánit. Jos olggobeale ruhtadeami eat fidne guovddáš prošeavttaide, de lea sivva vihkkedallat, leago prošeavtta vejolaš čadahit iežas ruhtademiin.

Hárremahčohka ja Ohcejoga Áilegas-duoddara bálgáid huksen lea goluid dáfus govttolaš, dasgo bálgás eanáš oassi johtá goike guolbanis. Hárremahčohka bálgái bohtet rovit sulaid 300 m veardde ja lassin geinnodat dihkáduvvo. Guktuid bálgáid álgogeahčái ceggejuvvojit oahpistantávvalat. Jos gielda hukse bálgá, de roviid lea vejolaš hukset muoras. Meahciráđdehus geavaha metállaroviid, go dat bistet ja girdet geavahusas guhkit áigge.

Jos váldostivra juolluda lassemearruđa, de Hárremahčohka ja Ohcejoga Áilegas-duoddara bálgát huksejuvvojit geassit 2024. Hárremahčohka bálgá huksema agoarta gilvalahttojuvvošii. Áilegas-duoddara oasil meroštallo lihkostuvvágo dat iežas bargun vai gilvalahttojuvvo datge.

### **Eallinfápmohoavdda evttohus:**

Eallinfápmo- ja teknikkalaš lávdegoddi evttoha giielddaráđdehussii ja ain váldostivrii, ahte juolluduvvo 15 000 euro lassemearruhta Hárremahčohka ja Ohcejoga Áilegas-duoddara bálgáid huksemii jagi 2024. Lassemearruhta mieđihuvvo teknikkalaš investeremiid gollobáikái. Lassemearruđain gokčojuvvojit materiálalogut, galbbat ja bargu.

Eallinfápmo- ja teknikkalaš lávdegoddi	§ 76	27.09.2023
Eallinfápmo- ja teknikkalaš lávdegoddi	§ 41	02.05.2024
Gielddaráđđehus		27.05.2024

---

Barggu čađaheaddji bálgá dahje bálgáid huksemii välljejuvvo gilvalahttima bokte. Eallinfápmo- ja teknikkalaš doaimmasuorgi ovtta koordinerejit fáaldatgilvvu ja dan sáhtta bidjat johtui jo miessemánus jos váldostivra vejolaččat juolluda lassemearruđa.

**Mearrádus:**

Eallinfápmoavdda evttohus dohkkehuvvui.

Gr

**Evttohus:**

Gielddaráđđehus dohkkeha ja evttoha ain váldostivrii dohkkehan láhkai lassemearruđa jahkái 2024 teknikkalaš doaimma investerenprográmmii 15 000 € Hárremahčohka ja Ohcejoga Áilegas-duoddara bálgáid huksemii.

**Mearrádus:**

Juohkin

Váldostivra

Eallinfápmo- ja teknikalaš  
lávdegoddi  
Gielddaráđdehus

§ 42

02.05.2024

27.05.2024

---

93

Lassemearruhta turismarávvena ovddideapmái

69/14.02/2021

Ealtekig § 42

Turismarávven addo Ohcejogas golmma gilis. Dál bálvalusa fáallet Gáregasnjárggas gilidállu, Ohcejogas Gilidállu Giisá ja Njuorggámis K-gávpi. Turistta, guhte Ohcejohkii boahtá, ii leat álki gávdnat turismarávvenbálvalusa, dasgo geaidnoguorain eai leat dan birra oahpistangalbbat. Dasa lassin, dál turista oažžu rávvenbálvalusa, dušše, jos boahtá guvlui dalle go rávvenbálvalus lea rabas. Dáid lassin Njuorggámis lea gielkkástalli turisttaide guhká dagahan váttisvuoda dat, go eai leat čielga rávvagat gielkámáđijas boaldámuša juohkinstašuvdnii ja fas stašuvnnas gielkámáđidjii. Dán dihte šaddá váivves lágahis gielkávuodjin, go gielkkástallit, geat eai dovdda gili, ohcet gokko beassá fas ruovttoluotta gielkámáđidjii.

Máinnašuvvon áššiid sáhtášii buoridit mearkkašahtti láhkai, jos gielda fuolahivččii dain čuovvovaš skáhppomušain:

- Golmma gillái geaidnogurrii galbbaid goappatge beallái teaksta Turismarávven ja dáidda galbbaide lobit EJB-guovddázis
- Juohke turismarávvenbálvalusbáikki giddodaga olggobeallái julggiid ala ceggejuvvon skáhpe, man siste turismarávven brošyrat sáhtášedje leat. Dat guhte fuolaha turismarávvenbálvalusas, fuolahivččii maid skáhpes.
- Njuorggámii gielkkástalliid dádjadeami doarjjan galbbat, mat oahpistit gávdnat boaldámušstašuvnna ja maiddái stašuvnnas vuolgedettiin oahpistit fas dohko gos gielkámáđidja joatkašuvvá. Galbbaide skáhppojit dárbašlaš lobit.

Galbbaid ja skáhpiid bidjat sadjái heivvolaš vugiin, jogo skáhpe ceggejuvvo iežas julggiid ala dahje giddet dan galbbaid julggiide gitta. Lassemearruhta čujuhuvvo Eallinfámu turismarávvena gollobáikái. Lobiid skáhppomis ja galbbaid sadjái bidjama fuolahit teknikalaš doaimma bargit ja galbbaid dingomis fas eallinfápmu. Árvoštallan bajábealde máinnašuvvon skáhppomušaid gollun lea eanemustá 7000e.

### **Eallinfápmohoavdda evttohus:**

Eallinfápmo- ja teknikalaš lávdegoddi evttoha gielddaráđdehussii ja ain váldostivrii, ahte juolluduvvo 7000 e eallinfámu turismarávvena gollobáikái buoridit turisttaid oahpisteami ovddabealde máinnašuvvon evttohusaid mielde. Goluin ja galbbaid skáhppomis fuolaha eallinfámu turismarávven, galbbaid lobiin ja sadjái bidjamis fas teknikalaš doaimma.

---

Eallinfápmo- ja teknihkalaš  
lávdegoddi  
Gielddaráđdehus

§ 42

02.05.2024

27.05.2024

---

**Mearrádus:**

Eallinfápmohoavdda evttohus dohkkehuvvui.

Gr

**Evttohus:**

Gielddaráđdehus dohkkeha ja evttoha ain váldostivrii dohkkehan láhkai lassemearreruđa 7000 € juolludeami jahkái 2024 turismarávvema gollobáikái turisttaid oahpisteami buorideapmi várás eallinfápmo- ja teknihkalaš lávdegotti evttohusa mielde.

**Mearrádus:**

Juohkin

Váldostivra

---

Eallinfápmo- ja teknikkalaš  
lávdegoddi  
Gielddaráđdehus

§ 43

02.05.2024

27.05.2024

---

94

Asfáltta bidjan

82/10.03.01/2023

Ealtekig § 43

Njuoggámis ođđa mánggadoaimmadálu meattá čáskadanlágádussii, ássangiddodahkii, bázahuslihtiide ja áiggeádjebáikkiide manná s. 200 mehtera guhkes geaidnu, mas ii leat asfáltabajildus. Geaidnu lea roggái ja čáhci čoahkkana rokkiide erenoamážit gidđat. Lassin goike siivvu áigge geaidnu soiccista nu ollu, ahte joba mánggadoaimmadállui sisa bohtá mearkkašahtti mearri čievradopmu. Geainnu geavahit eanáš gili olbmot, geat dolvot mánáid beavedikšui, skuvlii dahje dolvot dálloallobázahusaid ruskalihtiide dahje ođđasitávkkástallanlihtiide. Dáid lassin geainnu geavahit duopparbiillat. Vaikko geaidnu ii leat čađajohtingeaidnu, de dat geavahuvvo oalle ollu ja geaidnoráigge johttojuvvo áiggeádjedoaimmaide: geassit minigolf ja mánggadoaimmagieddi čohkkejit oktii olbmuid, nu turistaid go gili olbmuid dego fas dálvit jiekņaskearrogietti jiekņudeapmi. Geainnu bajásdoalu ja fuolaheami geažil livččii dehálaš bidjat asfáltabajildusa geidnui.

Árvvoštallon ollesviidodat máinnašuvvon guovllus lea s. 1000 m2.

Ohcejoga gielda guovllus lea álgimin Geavus máttás E75 geainnu asfálterenbargu dálá dieđu mielde loahppagease 2024. Livččii ekonomalaččat jierbmái dál gilvalahttit asfálterenbarggu dáidda máinnašuvvon báikkiide, go gearddi asfálterenbargu leat jo gielda guovllus.

#### **Teknikkalaš doaimma hoavdda evttohus:**

1. Teknikkalaš doaimma rahpá Njuorggán Herrakuru-geainnu asfálterenbargu guoskevaš gilvalahttima evttohus
2. Gilvalahttima fáilaldagaid olleshaddi oážžu leat eanemustá 60 000 €.
3. Eallinfápmo- ja teknikkalaš lánvegegoddi ohcá lassemearreruđa teknikkalaš doaimmii 60 000 € asfálterenbargu bargamii, jos fáilaldagat devdet eavttuid.

#### **Mearráduš:**

Teknikkalaš doaimma hoavdda evttohus dohkkehuvvui.

Gr

#### **Evttohus:**

---

Eallinfápmo- ja teknihkalaš  
lávdegoddi  
Gielddaráđdehus

§ 43

02.05.2024

27.05.2024

---

Gielddaráđdehus dohkkeha ja evttoha ain váldostivrii dohkkehan láchkai lassemearruđa teknihkalaš doaimma jagi 2024 investerenprográmmii 60 000 € ollašuhhtit asfálterenagoartta. Mearruhta lea evttolaš, jos fálaldagat devdet eavttuid.

**Mearráduš:**

Juohkin

Váldostivra

---



95

Ruhtadili birra oanehaččat

Gr

Gullat ruhtadili birra oanehaččat.

**Evttohus:**

Merkejuvvo diehtun.

**Mearrádus:**

---

96

Doaibmaorgánaid mearrádusat

Gr

Lávdegottiid beavdegirjijt galget doaimmahuvvot gielddahovdii njealji beavvi siste beavdegirjii dárkkisteamis. Giieldaráđdehusas lea váldinvuoigatvuohta lávdegottiid, iežas juhkosa ja vuollásaš stivrra ja virgehálddašeaddji mearrádusaide. Váldinmearrádusa sáhtta dahkat giieldaráđdehus dahje dan ságadoalli, gielddahoavda dahje stivrennjuolggadusas mearriduvvon virgehálddašeaddji. Váldinvuoigatvuođa galgá geavahit maŋimustá njulgengáibádusáiggi siste. Geavatlaččat gielddahoavda dárkkista lávdegottiid mearrádusaid. Go giieldaráđdehus váldá beali váldinvuoigatvuođa geavaheapmái, merkejuvvojit dasa doaimmahuvvon beavdegirjijt diehtun ja seammás mearriduvvo, ahte váldinvuoigatvuohta ii geavahuvvo beavdegirjjiid sisdollui gullelaš áššiin. Beavdegirjjiid kopijjat eai laktojuvvo giieldaráđdehusa beavdegirjái, muhto dat galget leat lahtuid geavaheamis giieldaráđdehusa čoahkkimiin.

Čuovvovaš doaibmaorgánaid beavdegirjijt leat oaidnin láhkai čoahkkimbáikkis:

Čuvgehuslávdegoddi 10.10.2023, Čuvgehuslávdegoddi 7.11.2023, Eallinfápmo- ja teknikkalaš lávdegoddi 11.10.2023.

**Evttohus:**

Giieldaráđdehus merke diehtun doaibmaorgánaid mearrádusaid ja gávnna, ahte GieldaL 51 § mielde váldinvuoigatvuohta ii leat geavahuvvon.

**Mearrádus:**

97

Áššit diehtun

Gr

**Evttohus:**

Gielddaráđdehus merke, ahte dan dihtui leat bohtán čuovvovaš áššebáhpárat:

Lappi EBJ-guovddáš

- Lohpi spiekkasit luondusuodjalanlága (9/2023) ruhtadannjuolggadusain. Lohpi čoaggit, fievrridit ja hálddusdoallat ráfáidahtton šattuid, vai daid šládjamerostallan sihkkarasto, Letot -prošeakta/Lappi EJB-guovddáš
- Lohpi spiekkasit luondusuodjalanlága (9/2023) ráfáidahttinjuolggadusain, Luondusuodjalanlága 83 § mielde lobi čoaggit, fievrridit doalahit hálddus ráfáidahtton sámmáliid ja suotnašattuid.

Lappi buresveadjinhoavda

- Guovlohálddahusa ságadoalli blogga;
- Guovlostivrra mearrádusat 8.5.2024

Lappi lihttu

- Stivra 6.5.2024 beavdegirji

Muoná gielda

- Váldostivra 29.4.2024 beavdegirjji válddus § 14, Birassuodjaleami oktasašdoaibmansoahpamuššii goluid juohkima nuppástuhttin

**Mearrádus:**